

四部文庫

文懷沙 主編

秦漢文明卷



(三十九)

陝西震旦漢唐研究院 編纂
陝西人民出版社

西安曲江文化產業投資集團支持

四部文庫

文懷沙主編

秦漢文明卷

三十九

陝西震旦漢唐研究院編纂
陝西人民出版社

秦漢文明卷

三十九



秦漢文一

全秦文一卷

全漢文六十二卷

全後漢文一百六卷

〔清〕嚴可均輯 三一—一三

〔清〕嚴可均輯 一五—三五〇

〔清〕嚴可均輯 三五—一九〇九

秦漢文一



[清] 嚴可均輯

全秦文

校
題



景印清光緒
王氏刻本

全秦文目錄

始皇帝

二世

公子高

王綰

李斯

周青臣

淳于越

零陵合信

閔名

諸儒生

羣臣

秦將

辨士

東郡民

宦官

趙高

僇道

安期先生

徐市

大凡全秦文一卷十六人

全秦文目錄

一



全秦文卷一

烏程嚴可均校輯

始皇帝

帝姓嬴亦姓趙名政伯翳之後莊襄王子年十三卽秦王位二十六年初并天下號曰始皇帝在位三十七年

除諡法制

制曰朕聞太古有號毋諡中古有號死而曰行爲諡如此則子議

父臣議君也甚無謂朕弗取焉自今已來除諡法朕爲始皇帝後

世呂計數二世三世至于萬世傳之無窮史記秦始皇本紀

詔丞相隗狀王綰

詔丞相狀縮澹度量則不壹歎疑者皆明壹之秦權拓本秦量拓本秦平陽斤拓本

令斷諫太后事

敢曰太后事諫者戮而殺之從蒺藜其脊肉斡四肢而積之闕下

全秦文卷一

始皇

一

說苑正諫

令丞相御史議帝號

異曰韓王納地效璽請爲藩臣已而倍約與趙魏合從畔秦故興

兵誅之虜其王寡人曰爲善庶幾息兵革趙王使其相李牧來約

盟故歸其質子已而倍盟反我太原故興兵誅之得其王趙公子

嘉乃自立爲代王故舉兵擊滅之魏王始約服入秦已而與韓趙

謀襲秦秦兵吏誅遂破之荆王獻青陽呂西已而畔約擊我南郡

故發兵誅得其王遂定其荆地燕王昏亂其太子丹乃陰合荆軻

爲賊兵吏誅滅其國齊王用后勝計絕秦使欲爲亂兵吏誅虜其

王平齊地寡人曰眇眇之身興兵除暴亂賴宗廟之靈六王咸伏

其辜天下大定今名號不更無曰稱成功傳後世其議帝號史記秦始皇本紀

報王綰等議帝號

紀本

去秦著皇采上古帝位號號曰皇帝他如議史記秦始皇本紀

報李斯議廢封建

天下共苦戰鬪不休呂有侯王賴宗廟天下初定又復立國是樹

兵也而求其寧息豈不難哉廷尉議是史記秦始皇本紀

報李斯治驪山陵

鑿之不入燒之不難其芻行三百丈乃止波義渠湘煙錄一引蔡質漢儀

賜文信侯書

君何功於秦秦封君河南食十萬戶君何親於秦號稱仲父其與

家屬徙處蜀史記呂不韋傳

壘書賜公子扶蘇

呂兵屬蒙恬與喪會咸陽而葬史記秦始皇本紀又李斯傳

二世皇帝

二世名胡亥始皇第十八子在位三年趙高弑之望夷宮

全秦文卷一

始皇二世

二

詔李斯馬去疾

制詔丞相斯去疾澹度量盡始皇帝爲之者一作有刻辭焉今襲

號而刻辭不稱始皇帝其於久遠殿如後嗣爲之者不稱成功盛

德秦平陽斤拓本又秦權秦量設皆作也

皇帝曰金石刻盡始皇帝所爲也今襲號而金石刻辭不稱始皇

帝其於久遠也如後嗣爲之者不稱成功盛德琅邪刻石拓本又山篆講汝帖之宋刻石徐鉉重摹鐫山刻石

山篆講汝帖之宋刻石

徐鉉重摹鐫山刻石

令蒙毅

先主欲立太子而卿難之今丞相呂卿爲不忠罪及其宗朕不忍

乃賜卿死亦甚幸矣卿其圖之史記蒙恬傳

令蒙恬

君之過多矣而卿弟毅有大罪法及內史同

公子高

公子高秦之諸公子

上書請從死

先帝無恙時臣入則賜食出則乘輿御府之衣臣得賜之中殿之寶馬臣得賜之臣當從死而不能為人子不孝為人臣不忠不忠者無名自立於世臣請從死願葬鄠山之足唯上幸哀憐之

史記李斯傳

王綰

綰始皇時爲丞相

議帝號

昔者五帝地方千里其外侯服夷服諸侯或朝或否天子不能制今陛下疆義兵誅殘賊平定天下海內爲郡縣法令由一統自上古呂來未嘗有五帝所不及臣等謹與博士議曰古有天皇有地皇有秦皇秦皇最貴臣等昧死上尊號王爲秦皇命爲制令爲詔

全秦文卷一

公子高 王綰

三

議封建

天子自稱曰朕史記秦始皇本紀丞相綰御史大夫劫廷尉斯等皆曰

諸侯初破燕齊荆地遠不爲置王毋呂填之請立諸子唯上幸許

史記秦始皇本紀丞相綰等言始皇下其議

李斯

斯楚上蔡人少爲郡小吏師事荀卿入秦爲呂不韋舍人任爲郎始皇拜爲長史又拜客卿遷廷尉卿進左丞相二世二年趙高誣呂謀反具五刑夷三族

上書諫逐客

臣聞吏議逐客竊以爲過矣昔繆公求士西取由余於戎東得百里奚於宛迎蹇叔於宋求丕豹公孫支於晉此五子者不產於秦而繆公用之并國二十遂霸西戎孝公用商鞅之法移風易俗民已殷盛國已富彊百姓樂用諸侯親服獲楚魏之師舉地千里至

今治彊惠王用張儀之計拔三川之地西并巴蜀北收上郡南取

漢中包九夷制鄢郢東據成皋之險割膏腴之壤遂散六國之從使之西面事秦功施到今昭王得范雎廢穰侯逐華陽彊公室杜私門蠶食諸侯使秦成帝業此四君者皆曰客之功由此觀之客何負於秦哉向使四君卻客而不內疏士而不用是使國無富利之寶而秦無彊大之名也今陛下致昆山之玉有隨和之寶垂明月之珠服太阿之劍乘纖離之馬建翠鳳之旗樹靈鼉之鼓此數寶者秦不生一焉而陛下說之何也必秦國之所生然後可則是夜光之璧不飾朝廷犀象之器不爲玩好鄭衛之女不充後宮而駁異駸駸不實外廡江南金錫不爲用西蜀丹青不爲采所曰飾後宮充下陳娛心意說耳目者必出於秦然後可則是宛珠之簪傅璣之珥阿綸之衣錦繡之飾不進於前而隨俗徐廣曰隨俗一作修使雅化佳冶窈窕趙女不立於側也夫擊寶叩鈺彈箏搏箏而歌呼鳴

全秦文卷一

李斯

四

鳴使耳目者眞秦之聲也鄭衛桑間昭虞武象者異國之樂也今棄擊寶叩鈺而就鄭衛退彈箏而取昭虞若是者何也快意當前適觀而已矣今取人則不然不問可否不論曲直非秦者去爲客者逐然則是所重者在乎色樂珠玉而所輕者在乎人民也此非所曰跨海內制諸侯之術也臣聞地廣者粟多國大者人眾兵彊則士勇是呂太山不讓土壤故能成其大河海不擇細流故能就其深王者不卻眾庶故能明其德是呂地無四方民無異國四時充美鬼神降福此五帝三王之所已無敵也今乃棄黔首以資敵國卻賓客以業諸侯使天下之士退而不敢西向裹足不入秦此所謂藉寇兵而齎盜糧者也夫物不產於秦可寶者多士不產於秦而願忠者眾今逐客以資敵國損民以益讐內自虛而外樹怨於諸侯求國無危不可得也

史記李斯傳

上書韓王

昔秦韓戮力一意已不相侵天下莫敢犯如此者數世矣前時五諸侯嘗相與共伐韓秦發兵已救之韓居中國地不能滿千里而所已得與諸侯班位於天下君臣相保者已三世相教事秦之力也先時五諸侯共伐秦韓反與諸侯先為雁行已嚮秦軍於闕下矣諸侯兵困力極無奈何諸侯兵罷杜倉相秦起兵發將已報天下之怨而先攻荊荆令尹患之曰夫韓已秦為不義而與秦兄弟共苦天下已又背秦先為雁行已攻闕韓則居中國展轉不可知天下共割韓上地十城已謝秦解其兵夫韓嘗一背秦而國迫地侵兵弱至今所已然者聽姦人之浮說不權事實故雖殺戮姦臣不能使韓復強今趙欲聚兵士卒已秦為事使人來借道言欲伐秦其勢必先韓而後秦且臣聞之晉亡則齒寒夫秦韓不得無同憂其形可見魏欲發兵已攻韓秦使人將使者於韓今秦王使臣斯來而不得見恐左右襲姦臣之計使韓復有亡地之患臣斯

全秦文卷一

李斯

五

不得見請歸報秦韓之交必絕矣斯之來使已奉秦王之歡心願效便計豈陛下所已逆賤臣者耶臣斯願得一見前進道愚計退就趙戮願陛下有意焉今殺臣於韓則大王不足已強若不聽臣之計則禍必構矣秦發兵不畱行而韓之社稷憂矣臣斯暴身於韓之市則雖欲察賤臣愚忠之計不可得已邊鄙殘國固守鼓鐸之聲於耳而乃用臣斯之計晚矣且夫韓之兵於天下可知也今又背秦夫弃城而敗軍則反掖之寇必襲城矣城盡則散散則無軍矣使城固守則秦必興兵而圍王一都道不通則難必謀其勢不救左右計之者不用願陛下熟圖之若臣斯之所言有不應事實者願大王幸使得畢辭於前乃就吏誅不晚也秦王飲食不甘遊觀不樂意專在圖趙使臣斯來言願得身見因急與陛下有計也今使臣不通則韓之信未可知也夫秦必釋趙之患而移兵於韓願陛下幸復察圖之而賜臣報決存韓

上書言治驪山陵

臣所將隸徒七十二萬人治驪山者已深已極鑿之不入燒之不難叩之空空如下天狀凌義渠淵煙錄一引蔡質漢儀李斯治驪山陵上書又段成式酉陽雜俎十五引李斯奏少前十四字

上書對二世

夫賢主者必且能全道而行督責之術者也督責之則臣不敢不竭能已徇其主矣此臣主之分定上下之義明則天下賢不肖莫敢不盡力竭任已徇其君矣是故主獨制於天下而無所制也能窮樂之極矣賢明之主也可不察焉故申子曰有天下而不念雕命之曰已天下為桎梏者無他焉不能督責而顧已其身勞於天下之民若堯禹然故謂之桎梏也夫不能修申韓之明術行督責之道專已天下自適也而徒務苦形勞神已身徇百姓則是黔首之役非畜天下者也何足貴哉夫已人徇己則已貴而人賤已

全秦文卷一

李斯

六

徇人則已賤而人貴故徇人者賤而人所徇者貴自古及今未有不然者也凡古之所為尊賢者為其貴也而所為惡不肖者為其賤也而堯禹已身徇天下者也因隨而尊之則亦失所為尊賢之心矣夫可謂大繆矣謂之為桎梏不亦宜乎不能督責之過也故韓子曰慈母有敗子而嚴家無格虜者何也則能罰之加焉必也故商君之法刑棄灰於道者夫棄灰薄罪也而被刑重罰也彼唯明主為能深督輕罪夫罪輕且督深而況有重罪乎故民不敢犯也是故韓子曰布帛尋常庸人不釋鑲金百鎰盜跖不搏者非庸人之心重尋常之利深而盜跖之欲淺也又不已盜跖之行為輕百鎰之重也搏必隨手刑則盜跖不搏百鎰而罰不必行也則庸人不釋尋常是故城高五丈而樓季不輕犯也泰山之高百仞而跛辟牧其上夫樓季也而難五丈之限豈跛辟也而易百仞之高哉跖墮之勢異也明主聖王之所已能久處尊位長執重勢而獨

擅天下之利者非有異道也能獨斷而審督責必深罰故天下不敢犯也今不務所目不犯而事慈母之所目敗子也則亦不察於聖人之論矣夫不能行聖人之術則舍爲天下役何事哉可不哀邪且夫儉節仁義之人立於朝則荒肆之樂輟矣諫說論理之臣開於側則流漫之志詘矣烈士死節之行顯於世則淫康之虞廢矣故明主能外此三者而獨操主術目制聽從之臣而修其明法故身尊而勢重也凡賢主者必將能拂世摩俗而廢其所惡立其所欲故生則有尊重之勢死則有賢明之諡也是目明君獨斷故權不在臣也然後能滅仁義之塗掩馳說之口困烈士之行塞聰說忿爭之辯故能犖然獨行恣睢之心而莫之敢逆若此然後可謂能明申韓之術而修商君之法法脩術明而天下亂者未之聞也故曰王道約而易操也唯明主爲能行之若此則謂督責之誠

全秦文卷一

李斯

七

則臣無邪臣無邪則天下安天下安則主嚴尊主嚴尊則督責必督責必則所求得所求得則國家富國家富則君樂豐故督責之術設則所欲無不得矣羣臣百姓救過不給何變之敢圖若此則帝道倘而可謂能明君臣之術矣雖申韓復生不能加也

史記李斯傳

上書言趙高

臣聞之臣疑其君無不危國妾疑其夫無不危家今有大臣於陛下擅利擅害與陛下無異此甚不便昔者司城子罕相宋身行刑罰曰威行之期年遂劫其君田常爲簡公臣爵列無敵於國私家之富與公家均布惠施德下得百姓上得羣臣陰取齊國殺宰子於庭即弑簡公於朝遂有齊國此天下所明知也今高有邪佚之志危反之行如子罕相宋也私家之富若田氏之於齊也兼行田常子罕之逆道而劫陛下之威信其志若韓玘爲韓安相也陛下不圖臣恐其爲變也

史記李斯傳

獄中上書

臣爲丞相治民三十餘年矣逮秦地之陝隘先王之時秦地不過千里兵數十萬臣盡薄材謹奉法令陰行謀臣資之金玉使游說諸侯陰脩甲兵飾政教官鬬士尊功臣盛其爵祿故終日晉韓弱魏破燕趙夷齊楚卒兼六國虜其王立秦爲天子罪一矣地非不廣又北逐胡貉南定百越已見秦之疆罪二矣尊大臣盛其爵位已固其親罪三矣立社稷脩宗廟已明主之賢罪四矣更剋盡平斗斛度量文章布之天下已樹秦之名罪五矣治馳道興游觀已見主之得意罪六矣緩刑罰薄賦斂已遂主得眾之心萬民戴主死而不忘罪七矣若斯之爲臣者罪足已死固久矣上幸盡其能力乃得至今願陛下察之

史記李斯傳

議存韓

全秦文卷一

李斯

八

有韓若人之有腹心之病也虛處則恢然若居涇地著而不去已極走則發矣夫韓雖臣於秦未嘗不爲秦病今若有卒報之事韓不可信也秦與趙爲難荆蘇使齊未知何如已臣觀之則齊趙之交未必已荆蘇絕也若不絕是悉趙而應二萬乘也夫韓不服秦之義而服於強也今專於齊趙則韓必爲腹心之病而發矣韓與荆有謀諸侯應之則秦必復見崎嶇塞之患非之來也未必不日其能存韓也爲重於韓也辯說屬辭飾非詐謀已鈞利於秦而曰韓利闕陛下夫秦韓之交親則非重矣此自便之計也臣視非之言文其淫說靡辯才甚臣恐陛下淫非之辯而聽其盜心因不詳察事情今日臣愚議秦發兵而未名所伐則韓之用事者曰事秦爲計矣臣斯請往見韓王使來入見大王見因內其身而勿遣稍召其社稷之臣已與韓人爲市則韓可深割也因令象武發東郡之卒闕兵於境上而未名所之則齊人懼而從蘇之計是我兵未出



而勁韓已威擒強齊已義從矣聞於諸侯也趙氏破膽荆人狐疑必有忠計荆人不動魏不足患也則諸侯可蠶食而盡趙氏可得與敵矣願陛下幸察愚臣之計無忽韓非子存韓

議廢封建

周武王所封子弟同姓甚眾然後屬疏遠相攻擊如仇讎諸侯更相誅伐周天子弗能禁止今海內賴陛下神靈一統皆爲郡縣諸子功臣已公賦稅重賞賜之甚足易制天下無異意則安寧之術也置諸侯不便史記秦始皇本紀

議刻金石

維秦王兼有天下立名爲皇帝乃撫東土至于琅邪列侯武城侯王離列侯通武侯王賁倫侯建成侯趙亥倫侯昌武侯成倫侯武信侯馮毋擇丞相陳彭越張敖當作陳彭越之推云隋得拜權有丞相陳彭越張敖平陽王及今所見秦權案錢鼎皆云狀縮無作林字者也丞相王綰卿李斯卿王戊五大夫趙

全秦文卷一

李斯

九

嬰五大夫楊樛從與議于海上曰古之帝者地不過千里諸侯各守其封域或朝或否相侵暴亂殘伐不止猶刻金石曰自爲紀古之五帝三王知教不同燬度不明假威鬼神曰欺遠方實不稱名故不久長其身未歿諸侯倍叛邊令不行今皇帝并一海內曰爲郡縣天下和平昭明宗廟體道行德尊號大成羣臣相與誦皇帝功德刻于金石曰爲表史記秦始皇紀案史記曰此議連屬楊樛後便刻二世詔書驗知此議當有別石不得與頌同碑故分錄之

議燒詩書百家語

五帝不相復三代不相襲各已治非其相反時變異也今陛下創大業建萬世之功固非愚儒所知且越言乃三代之事何足法也異時諸侯並爭厚招游學今天下已定法令出一百姓當家則力農工士則學習法令辟禁今諸生不師今而學古已非當世惑亂黔首丞相臣斯昧死言古者天下散亂莫之能一是曰諸侯並作

語皆道古已害今飾虛言曰亂實人善其所私學已非上之所建立今皇帝并有天下別黑白而定一尊而私學乃相與非法教之制間令下則各已其私學議之人則心非出則巷議夸主曰爲名異取已爲高率羣下曰造謠如此弗禁則主勢降乎上黨與成乎下禁之便臣請吏官非秦記皆燒之非博士官所職天下敢有藏詩書百家語者悉誅守尉雜燒之有敢偶語詩書者棄市曰古非今者族吏見知不舉者與同罪令下三十日不燒黥爲城旦所不去者醫藥卜筮種樹之書若欲有學法令曰吏爲師史記秦始皇本紀三十四年傳

金狄銘

皇帝廿六年初兼天下曰爲郡縣正法律同度量大人來見臨洮身長五丈足跡六尺水經注河水四云李斯書也又見漢書項籍傳贊注引三輔黃圖

玉璽文

受天之命皇帝壽昌宋書禮志五高祖入關得秦始皇璽田玉璽又御覽六百八十二引玉璽諸有雍州璽文與此同烏篆是慕容所制受天之命既壽永昌後漢光武紀注引玉璽諸傳國璽是秦始皇書其文云云高祖至受命于天既壽永昌初定天下初刻其玉出藍田山丞相李斯所傳國璽是丞相李斯所書其文同

全秦文卷一

李斯

十

皇帝立國維初在昔嗣世稱王討伐亂逆威勳四極武義直方戎臣奉詔經時不久滅六暴強廿有六月上薦高廟孝道顯明既獻泰成乃降尊惠親輒遠方登于繹山羣臣從者咸思攸長追念亂世分土建邦曰開爭理功戰日作流血于野自泰古始世無萬數阼及五帝莫能禁止適今皇帝壹家天下兵不復起燭害滅除黔首康定利澤長久羣臣誦略刻此樂石已著經紀徐鉉重摹繹山碑拓本案秦

繹山刻石

皇帝立國維初在昔嗣世稱王討伐亂逆威勳四極武義直方戎臣奉詔經時不久滅六暴強廿有六月上薦高廟孝道顯明既獻泰成乃降尊惠親輒遠方登于繹山羣臣從者咸思攸長追念亂世分土建邦曰開爭理功戰日作流血于野自泰古始世無萬數阼及五帝莫能禁止適今皇帝壹家天下兵不復起燭害滅除黔首康定利澤長久羣臣誦略刻此樂石已著經紀徐鉉重摹繹山碑拓本案秦

刻石三句為韻唯琅邪臺二句為韻皆李斯之辭張守節言會稽碑文及書皆李斯所刻中上書言更刻畫平以解度量文章布之天下其顯據也此文史記不載

泰山刻石

皇帝臨立作制明濔臣下脩飭廿有六年初并天下罔不賓服親輶遠勒登茲泰山周覽東極從臣思速本原事業祇誦功德治道運行諸產得宜皆有濔式大義著明陞于後嗣順承勿革皇帝躬聽既平天下不懈于治夙興夜寐建設長利專隆教誨訓經宣達遠近畢理咸承聖志貴賤分明助女體順慎遵職事昭隔內外靡不清游施于昆嗣化及無窮遵奉遺詔永承重戒劉政泰山篆諸巽重摹本又史記秦始皇紀臨立作臨位船聽作躬聽終始本又李處親輶遠勒作親巡遠方勅民體順作禮順昆嗣作後嗣琅邪臺刻石

維廿八年皇帝作始端平濔度萬物之紀曰明人事合同父子脞智仁義顯白道理東撫東土曰省卒士事已大畢乃臨于海皇帝

全秦文卷一

李斯

十一

之功勤勞本事上農除末黔首是富普天之下搏心揖志器械一量同書文字日月所照舟輿所載皆終其命莫不得意應時動事是維皇帝匡飭異俗陵水經地憂恤黔首朝夕不懈除疑定濔咸知所辟方伯分職諸治經易舉錯必當莫不如畫皇帝之明臨察四方尊卑貴賤不踰次行姦邪不容皆務貞良細大盡力莫敢怠荒遠邇辟隱專務肅莊端直敦忠事業有常皇帝之德存定四極誅亂除害興利致福節事曰時諸產繁殖黔首安寧不用兵革六親相保終無寇賊驩欣奉教盡知濔式六合之內皇帝之土西涉流沙南盡北戶東有東海北過大夏人迹所至無不臣者功益五帝澤及牛馬莫不受德各安其宇史記秦始皇紀列侯武城侯王離列侯通武侯王賁倫侯建成侯趙亥倫侯昌武侯成倫侯武信侯馮毋擇丞相隗林當作丞相王綰卿李斯卿王戊五大夫趙嬰五大夫楊樛史記秦始皇紀又略見琅邪碑本

頌同石今頌碑見存五夫二楊樛後便刻二世詔書知始皇時所刻止此耳

之罘刻石

維廿九年時在中春陽和方起皇帝東游巡登之罘臨照于海從臣嘉觀原念休烈追誦本始大聖作治建法定法度顯著綱紀外效諸侯光施文惠明曰義理六國回辟貪戾無厭虐殺不已皇帝哀眾遂發討師奮揚武德義誅信行威燁旁達莫不賓服烹滅彊暴振救黔首周定四極普施明濔經緯天下永為儀則大矣口哉宇縣之中承順聖意羣臣誦功請刻于石表垂常式史記秦始皇紀表垂下衍于字今校正

之罘東觀刻石

維廿九年皇帝春游覽省遠方逮于海隅遂登之罘臨朝陽觀望廣麗從臣咸念原道至明聖濔初興清理疆內外誅暴彊武威旁暢振動四極禽滅六王闔并天下舊害絕息永偃戎兵皇帝明

全秦文卷一

李斯

十二

德經理宇內視聽不怠作立大義昭設備器械咸有章旗職臣遵分各知所行事無嫌疑黔首改化遠邇同度臨古絕尤常職既定後嗣循業長承聖治羣臣嘉德祇誦聖烈請刻之罘史記秦始皇紀碣石門刻石

上脫九句此頌三句為韻遂興師旅誅滅無道為逆滅息武殄暴逆文復無罪庶心咸服惠論功勞賞及牛馬恩肥土域皇帝奮威德并諸侯初

一泰平當作泰宇墮壤城郭決通川防吏去險阻地執既定黎庶無繇天下咸撫男樂其疇女修其業事各有序惠被諸產史記秦始皇紀

分並來田莫不安所羣臣誦烈請刻此石垂著儀矩史記秦始皇紀

會稽刻石

皇帝休烈平壹宇內德惠攸長世有七年親輶天下周覽遠方遂登會稽宣省習俗黔首齊莊羣臣誦功本原事速追道高明秦聖臨國始定刑名顯陳舊章初平濔式審別職任曰立恆常六王專



倍貪戾傲猛率眾自強暴虐恣行負力而驕數動甲兵陰通間使
日事合從行爲辟方內飾詐謀外來侵邊遂起禍殃義威誅之殄
熄暴悖亂賊滅亡聖德廣密六合之中被澤無疆皇帝并宇兼聽
萬事遠近畢清運理羣物考驗事實各載其名貴賤並通善否陳
前靡有隱情飾省宣義有子而嫁倍死不貞防隔內外禁止淫泆
男女潔誠夫爲寄報殺之無辜男秉義程妻爲逃嫁子不得母咸
化廉清大治濯俗天下承風蒙被休經皆遵軌度咏安敦勉莫不
順令黔首修絜人樂同則嘉保泰平後敬奉灋常治無極輿車不
傾從臣誦烈請刻此石光陟休銘申屠翽重刻會稽碑拓本
又見史記秦始皇紀小異

始皇聖德平章江山巡狩蒼川勒銘素壁張鉉至正金陵新志一
日秦始皇三十七年游會稽還登句曲北垂山圖考注引茅山記
壁一雙深七尺李斯篆刻文又真誥引茅君內傳
秦權文

全秦文卷一 李斯

廿六年皇帝盡并兼天下諸侯黔首大安立號爲皇帝乃詔丞相
狀縮灋度量則不壹歎疑者皆明壹之

三制詔丞相斯去疾灋度量盡始皇帝爲之皆有刻辭焉今襲
號而刻辭不稱始皇帝其于久遠也如後嗣爲之者不稱成功盛
德刻此詔故刻左使毋疑秦權拓本又平陽斤拓本皆有刻辭焉
未有平陽斤三字

刻始皇所立刻石

皇帝曰金石刻盡始皇帝所爲也今襲號而金石刻辭不稱始皇
帝其于久遠也如後嗣爲之者不稱成功盛德丞相臣斯臣去疾
御史大夫臣德昧死言臣請具刻詔書金石刻因明白矣臣昧死
請制曰可琅邪臺刻石拓本又泰山殘石徐鉉重摹釋山刻石終
行郡縣李斯從到碣石並海南至會稽而盡刻始皇紀二世東
立刻石石旁著大臣從者名呂章先帝成功盛德焉
用筆法

夫書之微妙道合自然篆籀已前不可得而聞矣自古作六篆
頗行于世但爲古遠人多不詳今斯刪略繁者取其合理參爲小
篆凡書非但裹結流快終藉筆力輕健蒙將軍恬筆經猶自簡略
斯更修改望益于用矣用筆法先急回後疾下鷹望鵬逝信之自
然不得重改如游魚得水景山興雲或卷或舒乍輕乍重善思之
此理可見矣

斯善書自趙高曰下或見推伏刻諸名山碑璽銅人並斯之筆斯
書秦望紀功石云吾死後五百三十年間當有一人替吾跡焉地星

周青臣

青臣始皇時爲僕射

進頌

他時秦地不過千里賴陛下神靈明聖平定海內放逐蠻夷日月

全秦文卷一 零陵令信

零陵令信

十四

所照莫不賓服目諸侯爲郡縣人人自安樂無戰爭之患傳之萬
世自上古不及陛下威德史記秦始皇紀三十四年始皇置酒咸陽宮博士七十人前爲壽僕射周青臣

淳于越

越齊人始皇時爲博士

議封建

臣聞殷周之王千餘歲封子弟功臣自爲枝輔今陛下有海內而
子弟爲匹夫卒有田常六卿之臣一作之患臣無輔拂一何已

相救哉事不師古而能長久者非所聞也今青臣又面諛曰重陸
下之過非忠臣史記秦始皇紀又李斯傳齊人淳于越進諫始皇下其議

零陵令信

信失其姓始皇時爲零陵令

上始皇帝書

荆軻挾匕首刺陛下陛下曰神武扶楡長劍曰自救文選吳都賦劉淵林注引秦零陵令上始皇帝書案漢志從橫家有秦零陵令信一篇難秦相李斯即此

闕名

諸儒生議封禪

古者封禪爲蒲車惡傷山之土石草木埽地而祭席用菹藉言其易遵也文選封禪書始皇即帝位三年徵從齊魯之儒生博士七十人至平秦山下諸儒生或議又見漢書郊祀志上羣臣議尊始皇廟

古者天子七廟諸侯五大夫三雖萬世世不軌毀今始皇爲極廟四海之內皆獻貢職增犧牲禮咸備母曰加先王廟或在西雍或在咸陽天子儀當獨奉酌祠始皇廟自襄公曰下軌毀所置凡七廟羣臣曰禮進祠曰尊始皇廟爲帝者祖廟史記秦紀二世元年令羣臣議尊始皇廟羣臣皆頓首言

秦將詐稱二世使人與李良書

全秦文卷一

闕名 趙高

五

良嘗事我得顯幸良誠能反趙爲秦赦良罪貴良史記張耳陳餘傳漢書張耳陳餘傳

辨士隱姓名遺秦將章邯書

李斯爲秦王死廢十七兄而立今王也史記李斯傳集解引杜預善文

東郡隕石刻文

始皇死而地分漢書五行志中之上始皇帝三十六年石隕于東郡民或刻其石

宦官

趙高

高諸趙疏屬爲宦者始皇舉爲中車府令後兼行符璽令事二世卽位遷郎中令拜中丞相尋行弒立子嬰刺殺之夷三族

詐爲始皇書賜公子扶蘇

朕巡天下禱祠名山諸神曰延壽命今扶蘇與將軍蒙恬將師數十萬日屯邊十有餘年矣不能進而前士卒多耗無尺寸之功乃

反數上書直言誹謗我所爲曰不得罷歸爲太子日夜怨望扶蘇爲人子不孝其賜劍曰自裁將軍蒙恬與扶蘇居外不匡正宜知其謀爲人臣不忠其賜死曰兵屬裨將王離史記李斯傳

僂道

安期先生

先生姓安名期琅邪阜鄉亭人師事河上公善黃老亦善爲長短說賣藥海邊與蒯徹善嘗干始皇又干項王項王不能用其策已而項王欲封之不受亡去劉向云時人皆言千歲翁服虔云古之真人案安期生事見史記樂毅及田儋傳贊服說見封禪書索隱

雷書報始皇

後千歲求我于蓬萊山下史記封禪書正義引列仙傳今本列仙復數千載藝文類聚八十傳作後數年無下字抱朴子極言篇作四引抱朴子作後數千載

徐市

全秦文卷一

闕名 安期生

六

市一作福齊人爲始皇求僂已童男女三千王亶州不歸

上書請求仙

海中有三神山名曰蓬萊方丈瀛洲僂人居之請得齋戒與童男女求之史記秦紀

始皇紀

賜進士出身一品銜廣東等處提刑按察使司按察使兼管驛傳事務黃岡王毓藻校刊

全秦文卷一終

